

永嘉縣志

光緒八年修

永嘉縣志卷之十五目錄

人物志三

宦績 九十七人  
附十人

宋 薛強立 子嘉言 沈希稷 元武功 丁志夫 補 薛弼

黃 袞 補 何逢原 補 周鼎臣 蔣行簡

何伯謹 補 丁康臣 補 項膺林 思誠 何紘

木待問 元文苑 許及之 王 杓 薛 紹

毛 密 元獨行 鮑 瀟 陳 謙 元武功 張季樗 曾孫 鉉

陳 翼 陳 式 補 王允初 子致遠 元武功

陳龜年 項公悅 依府志 補 林士尹 補 陳大紀 元武功

永嘉縣志

卷之十五

人物 宦績 目錄

一

方 來 蔣叔輿 補 戴若冰 補 謝子強

戴 桷 補 潘 凱 翁永年 薛直夫 補

林 裕 弟易熙 趙與霆 弟瑋與 徐 霆 林天瑞 補

元 宋眉年 周希濂 補 陳 麟 林邦福

明 周 丹 葉 宗 補 陳 敏 補 林文定 補

黃 象 補 周文褒 趙順祖 補 方以正

阮 存 周 旋 朱良鼐 葉 錫

葉 式 王 澈 王 激 朱 腆 補

張 純 子鳴鶴 鳴鸞 孫 昭 王 諍

王叔杲 世德 王一夔 王良心

王繼明

葉承遇

張德明

項維聰

林必成

周一奎

王光經

劉康祉

王士倫

補

周應期

王維夔

張天麟

元武功  
仕績

項國瓚

彭如翱

補

張展成

朝國

陳光前

元儒  
林

包文愼

依府  
志補

陳邦紀

鄭應鄴

陳天棟

謝天埴

邵家默

補

陳王綬

張天駿

元武  
功

林敷紫

補

張元彪

何皋颺

續

項國枏

鄧飛鵬

湯志  
武功

鄭之良

張瑞溥

潘銘憲

鄭汝楫

府志分循吏仕績縣志仍之而另立功湯志併循吏  
於宦績仍立武功今彙為一又府志循吏有林叔豹李

永嘉縣志

卷之十五

人物 宦績 目錄

唐卿吳舜龍夏遂祿王光蘊陳天植又有趙汝馭係樂

清人又誤入徐定係晉江人仕績有鄭柱張式霈舊志

仕績不錄而移入王光蘊仍漏陳天植補陳宜中鄭璘

徐安行婁濬張孚敬張遜志張遜業林宗教仍誤列徐

定趙汝馭湯志削趙汝馭仍載徐定補入宋之珍王公

彦諸葛說劉現朱廷謚張陽春六人今俱移列各門此

削

永嘉縣志卷之十五

人物志三

宦績

儒者之道脩己之外兼及治人古諸子百家爲道不同其務爲世用則一也永嘉僻處東南自唐以前眇所表見兩宋而後則人才輩出宦達者多雖與之一官一邑無不有以效其績焉今取其尤賢且盛者列爲儒林名臣二傳而以其餘彙爲宦績蓋所遭之時不同而功業之廣狹因之非有軒輊於其間也被學古入官欲垂名於後世者亦可以奮然興矣

永嘉縣志

卷之十五

人物 宦績

一

宋

薛強立字成翁唐左補闕令之之孫懷仁自閩徙永嘉至強立十一世矣

水心集薛弼墓誌

登元豐二年進士第禮部侍郎

鄒浩嘗以學官薦之授吳縣主簿歷中都宜黃二縣令江甯府觀察推官爲人短小精悍褻和裏剛宰劇有聲奉法不阿其上號石蓮長官宰宜黃時有小人獲於母去而遠已而母經死比鄰聞稱冤呼子聲不知傷子之不在共證其子實殺之強立閱母枕中得縣人稱貸券帖獨疑其冤陽按其子使人陰以縊母領巾夜擲債家戶下微伺於旁債家晨起然香見巾識之唾曰冤家何以至此執

問卽殺母者遠近歎服稱神明四子嘉言弼徽言皆登進

士第仲子昌言婺州通判

薛季宣先大夫行狀箋

嘉言字獻可敦謹

篤學強立奇之曰吾居宮少暇日爾宜進諸弟以學由是

益不怠政和五年登第靖康末聞汴京失守不告而行家

人搜奩失一金珥弼曰兄必資此徒步京師赴難耳數日

果自括以書報去志既至臨安聞高宗卽位乃還終司封

郎中知台州

萬曆志

弼徽言自有傳

沈希稷紹聖甲戌進士宣和元年知龍泉縣事三年睦賊

洪載寇郡諸邑皆陷龍泉三面通爲賊區希稷力爲守禦

得陳沔勇而知兵葉植勇而善謀相與練鄉兵設險守隘

### 永嘉縣志

#### 卷之十五

人物 宦績

一一

復乞師建安兵至寇帥脅從之民以數萬計破浮雲攻東

界沔分兵自安仁武溪軍於七赤賊黨遁去追至浮雲進

柵石塘與戰大破之事平朝廷嘉其功增秩一級

栢蒼真紀

在

邑五年去之日送者涕泣爲立三賢堂於玉峯寺以祀之

萬姓統譜

仕終朝議大夫

舊志

丁志夫字剛巽經行先生昌期季子也自幼篤學與父兄

商論如師友不肯苟且曰此理天下所公共不可爲閨門

屈也旣冠游太學益務記覽其專勤不惰至忘寢食擢紹

聖元年進士第授密海尉縣有海游渡舟多覆溺志夫命

邑人爲石梁躬督其役不閱月而成民德之丁內外艱

調鄆陵主簿作勸學文賓禮耆德邑人翕然趨於學間攝  
邑事御吏民如家人柔聲緩氣循循然訓飭之使各適理  
其或不悛乃刑之久之皆馴服曰主簿不吾欺也徙監在  
京醫藥惠民局鄆人遮道丐畱者數百輩辟都水監措置  
修塘堤屬官就辟北丞司句當公事權都水監丞大河隄  
防千里志夫往還其間不憚寒暑雖幽僻必至究見利害  
之實其贊水政裨益尤多河堤浮梁次第告功改奉議郎  
累遷朝請郎浮梁役卒擅渡河者五百許人議者請繩以  
法會使者誕日有放雀鴿爲壽者志夫請曰羸卒暴露久  
迫飢寒思歸亦旣畢事罪可略若寬釋之不愈於羽族乎

永嘉縣志

卷之十五

人物 宦績

三

願以是祝公壽使者大悅薄其罪擢司農寺丞除國子監  
丞以水衡餘賞及積日勞三遷朝請大夫再丞國子京師  
方大疫太學諸生多感疾志夫躬督醫者治療之無何亦  
病以宣和二年五月丙午卒年五十五志夫天性至孝常  
歎禮學缺絕俗習卑陋而喪祭爲缺比執親喪皆如古制  
哭泣之哀人不忍聞斥佛事不用廬於墓側松檟皆手植  
終喪不茹酒肉歲時享祀齋戒日時幣祝皆有法式於是  
州里始識喪祭之禮多慕倣者其待人無貴賤小大豁然  
不爲關鍵周防人以是信服之樂聞人善稱歎不容口其  
與人游有終始苟有以成就之竭力弗怠甚於謀己自宦

學往還京師三十年鄉人及四方游舊疾病死喪急難皆賴以濟其父母妻子之在遠者亦曰丁公在庶幾無失所也比卒搢紳無識否下至閭巷老稚皆曰惜哉善人而止於此也初從進士舉方尙辭賦或勸其從時好曰經術吾家學也舍之而從彼何哉卒以治經中禮部高第未幾罷春秋學志夫曰茲可廢邪凡經理世務與人論議必稽焉曰他經明理而春秋斷事也最後罷官國子踰年不得調同里有橫貴者數以挽進招之弗就也其爲人平易而有守如此有集若干卷子仲密修職郎管句開封府架閣文

字

許景衡橫塘集  
丁大夫墓誌銘

永嘉縣志

卷之十五

人物 宦績

四

薛弼字直老強立第三子也磊砢多權智尙氣誼不修小謹曲廉登政和二年進士第調懷州刑曹杭州教授初頒五禮新書定著釋奠先聖誤用下丁弼據禮是正州以聞詔從其議徙滄州教授年饑發學糧賑糶遷浦江令知桐廬縣清江丞監左藏東庫內侍王道使奴從旁視絹美惡多取之弼白版曹窮治人嚴憚之靖康初金兵攻汴京李綱定議堅守衆不悅弼意與綱同除太僕丞辟親征使參謀裨畫甚衆圍解遷光祿寺丞嘗言姚平仲不可恃未幾而敗綱求太原弼言金必再至綱不當去宜先事河北金人果再入始命刑部侍郎宋伯友提舉河防弼以點檢糧

草從之爲計畫甚切皆不能用乃乞罷歸改提舉三門白  
波輦運不克赴尋主管明道宮提舉淮東鹽事改湖南運  
判楊么據洞庭寇鼎州王玘久不能平更命岳飛討之么  
陸耕水戰樓船十餘丈官軍徒仰視不得近飛謀益造大  
舟弼曰若是則未可以歲月勝矣且彼之所長可避而不  
可鬪也今大旱湖水落洪若以厚募招取賊舟勿與水戰  
造巨筏斷江路亂投芻藁上流使彼之長坐廢而以精騎  
直擣其壘則破壞在目前矣飛曰善兼旬積寇盡平進直  
秘閣時道殫相望弼以聞帝惻然命給錢六萬緡廣西長  
平米六萬斛鄂州米二十萬斛賑之且使講求富弼青州

荒政民賴以甦王彥自荆移襄遷延不卽赴彥所將八字  
軍皆中原勁卒朝廷患其恣橫以弼直徽猷閣代之彥殊  
不意弼徑入府受將吏謁大駭弼曲折譬曉彥感悟卽日  
出境除岳飛參謀官飛母死遁於廬山張宗元攝飛事飛  
將張憲移疾部曲洶洶生異語弼謂諸將曰太尉力乞張  
公而詔使隨至岳軍素整今而譁鬩是汝曹累太尉也諸  
將以諗憲憲佯悟曰相公腹心惟參謀知之衆乃定除戶  
部郎官再知荆南桃源劇盜伍俊旣招安復謀叛提點刑  
獄万俟卨不能制乃以委弼弼許俊以靖州俊喜曰我得  
靖則地過桃源遠矣俊來謝則斬以徇弼常以關中爲諸



夏首荊州爲吳蜀脊皆天下形勢之地奏言陛下駐蹕東南尺土未復置形勢於度外臣愚所未悟也荆南西援巴蜀東控吳會南通交廣北接襄漢進可以取退可以守上游之形勢也異時指麾號令中原以圖恢復莫此爲便與夫出則建康入則吳越其勢相萬也臣之在治毆豺狼披荆藿招集流散務農贏糧以望幸久矣惟陛下實重圖之不納遷祕閣修撰陝西轉運使以左司郎官召出知虔州移黃州時福州大盜有號管天下伍黑龍滿山紅之屬其衆甚盛鈐轄李貴爲賊所獲民作山砦自保守臣莫將議委漳泉汀建募強壯游手各千人爲效用與殿司統制張

淵同措置未及行詔陞弼集英殿修撰與將兩易弼至郡漕臣以游手易聚難散恐爲他日患聞於朝事下弼議弼謂昔守漳贛有武夫周虎臣陳敏者丁壯各數百皆能戰視官軍可一當十乃奏虎臣爲副將敏爲巡檢選丁壯千人號奇兵日給糗糧責以滅賊自是歲費錢三萬六千餘緡米九千石凡四年而賊平移知廣州擢敷文閣待制紹興二十年卒官年六十三初秦檜居永嘉弼游其門弼在湖北除盜歸功於万俟卨誣岳飛下吏高以中司鞫獄飛父子及憲皆死朱芾李若虛亦坐嘗爲飛謀議奪職惟弼得免且爲檜用屢更事任通籍從官世以此少之然其

被召也不肯迎合檜意仍丐外更守數州屢平劇寇且以荆襄形勢爲言其勲略亦足多云子叔淵紹興八年進士福州教授叔宣嚴州錄參孫洪朝奉郎浩朝請大夫澤潮州司理潤上高主簿曾孫師度池州司戶師旦建康榷貨務累官朝請大夫知撫州師昉象州錄參師昂將仕郎師石自有傳

水心集宋史本傳薛浪語集

黃袞字季章紹興壬子進士歷知松陽玉山通判臨安終御史檢法其在玉山有惠政嘗以檄出民皆驚憂以爲遂去及還老幼歡呼已而任滿請留不獲乃就邑之智門寺立祠繪像祀之明少保文簡公淮其後也

江西通志咸清臨安志竹軒襍

永嘉縣志

卷之十五

人物 宦績

七

著蘇平仲集舊志選舉

何逢原字希深姿穎異眉宇秀整頎而長身強記覽落筆輒驚人紹興乙卯擢進士乙科調秀州司戶參軍未赴召對進止詳雅敷奏剴切除敕令所刪定官改承奉郎遷祕書省正字讀中祕異書見聞益博丁母憂服除復供職以言罷通判池州歲飢攝郡事發廩以濟人免流移秩滿除樞密院編修官兼權左司郎中歷起居舍人中書舍人時秦檜盜權神怒人怨逢原嘗授其子經以物議洵洵告檜曰吾所與語者天也豈復與人校是非逢原曰天之心卽人之心也豈有異者檜大銜之由是再黜除添差通判處

太守聞其賢以郡事委之剔蠹鋤梗郡遂大治俗生子多不舉逢原重賞嚴禁諭以天性所活叵計除浙東參議官改提舉湖北常平茶鹽徙知嘉州訟謀紛委逢原立訟者於庭俾自供曉以曲直悔過者輒遣之不悛則懲以笞罰訟由是簡犴獄屢空去之日送者填擁祠於佛舍焉除成都路轉運判官監四川類試積弊盡革頌者以比文翁除知夔州未至改潼川路提點刑獄人稱神明每歲薦舉孤寒皆蒙識拔奔競頓衰就差轉運副使再監類試院士皆自奮乾道二年召赴行在三年正月除金部郎中孝宗曰儒者不屑留意金穀可諭何逢原令留意職事尋丐祠

永嘉縣志

卷之十五

人物 宦績

八

除福建提點刑獄階朝散大夫四年三月卒官年六十三爲人謙恭樂易持心近厚不爲崖異善諧謔然未嘗忤物儉於自奉澣衣菲食以終其身

梅溪集  
續通鑑

周鼎臣字鎮伯世居松臺山下勤志廣學未冠與鄭景望齊名授漳浦主簿判疑雪枉有以民爲劫冒賞獄上矣鼎臣覆而寃之一食頃放散數十人傳聲懽呼徹郡州使行視四縣盡荒遠不到地龍巖瘴毒深厚號烏脚溪者左足未投右脛已駢黑鼎臣特館其處村落所急便宜不請白蒲延大掠流鵝灣同巡檢輕戰而潰鼎臣代尉馳往三日中生縛其酋二剽賊無遺發寄納倉賑傷死召奔逃歸業

差次將卒功狀無敢不平而不自言也姿敏決剛峭不可  
屈前守材其爲無不聽後守惡其直不盡從也監司欲薦  
未及以淳熙十三年卒年六十一子端朝自有傳

葉適周  
鎮伯墓

誌

蔣行簡字仲可家於郭南父惇贈中大夫行簡學不爲舉  
子達於世用登紹興庚午進士第選舉志時荆帥孫汝翼  
從事查籥皆名士傾待之遂壻孫氏辟四川制置司屬官  
罷爲滁州判官金亮且反行簡請調丹陽弩手三千守清  
流關副之州兵滁可保也主兵者笑不應行簡遽令遠斥  
候虜旣大入滁人徐渡江僮妾不逃器用無喪督運於天

永嘉縣志

卷之十五

人物 宦績

九

長傳言虜兵至矣令尉欲棄芻茭去行簡曰姑止急燔之  
毋爲盜資虜退有以擅焚糧請劾者制置使劉錡曰此真  
知兵也乃已監明州市舶務舶船至卽日抽量隨粗細立  
盡老僧束手蕃客跪其前昂首加手於額拊地以謝秀安  
僖王歎曰天下安有如此好監官知海鹽縣太守曰縣壞  
久欠州用經總數巨萬得材令庶補足平行簡正色拒之  
已而新錢有餘舊欠亦補將去餘錢一萬一千倅行縣知  
之促使具鈔答曰此夏稅錢代者事爾倅曰使君方以善  
理財薦公何必留錢爲後人耶行簡縮舌駭曰善理財豈  
美名歟倅慙而止還朝哀平生著書五十篇號樞言上之

執政愛其文曰院轄選也通判興國軍大旱疫被數路從一馬二卒齎咬咀藥半夜宿村舍空常平以救他日過之所至輒數千人送迎知軍怪問故皆泣曰昔不遇此通判吾屬闔門死矣知峽州歸舟無輜重壓之以石知常德府諸司舉異績對後苑清暉殿光宗面稱肯十數已而不果用出知處州其治郡以愛惜知縣爲本獄訟賦輸使任其殿負文檄付遞鋪一人不至縣庭在武陵二年軍律嚴靜蠻獠震服省地晏然枯蒼去鄉近治之尤詳更造版籍隱寄飛寄影占僞跋悉釐改好溪堰旁山椿篠所聚請於朝禁席勢冒佃者責人不悅提刑以爲慢已御史亦疏劾自

永嘉縣志

卷之十五

人物 宦績

十

朝議大夫貶二秩罷慶元二年卒年七十一子三伯輿從政郎邵武丞叔輿自有傳季輿迪功郎婺州司戶初河南郭忠孝子雍隱居長陽山行簡將出峽來見於白羊極言天人性命之理及兼山良限之義或爲著白羊問答行於

世 藥適知處州  
蔣公墓誌

何伯謹字誠夫居城南金華主簿子發之子爲朝請郎子達後與弟青田令伯益同登紹興辛未進士由國子博士攝尚書郎出知饒州罷起知廣德軍以父子達年九十餘丐祠不行丁憂服闋除太府丞改大理寺正除兵部郎官明年除國子司業卒於官爲人信厚寡言笑不爲奔競速

化之術而循次平進亦不爲衆所媚忌嘗奏言當世之患  
文勝而實不足臣子空言嘗試不效朝廷賞罰未當功罪  
薄俗何由而變實績何由而課子叔愿迪功郎正齋集何  
公行狀

丁康臣字道濟昌期之孫廉夫之子也登紹興甲戌進士  
歷知青田惠安二縣以嚴明爲治而濟以廉平以撫字爲  
心催科不擾而辦民無冤訴狂獄屢空惠安民繪象祠之  
陞奉議郎監登聞鼓院王十朋薦之以爲可充刑獄錢穀  
之任終知興化軍弟康時字道揆丁丑進士天台尉同時  
項膺字服善壬戌進士歷知麗水鄱陽皆有政聲王十朋  
贈詩美之林思誠辛未進士爲饒州教官嘗攝郡幕贊畫

永嘉縣志

卷之十五

人物 宦績

十一

居多耿介有守不附權貴升侯官令終知建昌軍王十朋

嘗薦之

梅溪集舊  
志選舉

何紘字文伯紹興庚辰進士慶元二年知興化軍才敏給  
爲政審先後事關風化而利在農桑者悉次第爲之奴隸  
走卒各得其所嘗作人物志創平潭橋新桂籍堂福建  
通志

木待問字蘊之敏而力學爲洪容齋所識以子妻之隆興  
元年以省元廷對第一人及第歷著作郎太子詹事知福  
婺二州太平寧國二府煥章閣待制禮部尚書卒於官贈  
少師光祿大夫康熙  
府志官著作時上言士大夫氣節不立惟  
在陛下涵養作成如奔競之習最壞氣節不可不改帝曰

當如卿言必見之賞罰使之懲戒

通鑑 淳熙元年五月

自是連月下

詔遏奔競察廉吏戒虛譽蓋待問之言有以啓之也其知

**盜國**也遭歲不登究心荒政活瘠起痿闔郡見德

正齋集

許及之字深甫號涉齋洪适器之妻以女隆興元年第進士知袁州分宜縣以部使者薦除諸軍審計遷宗正簿乾道元年林栗請增置諫員乃倣唐制置拾遺補闕以及之爲拾遺班序在監察御史之上高宗崩及之言皇帝既躬三年之喪羣臣難從純吉當常服黑帶王淮當國久及之奏陛下卽位二十七年而羣臣未能如聖意者以苟且爲安榮以姑息爲仁恕以不肯任事爲簡重以不敢任怨爲

永嘉縣志

卷之十五

人物 宦績

十一

老成敢言者指爲輕儇鮮恥者謂之樸實陛下得若人而相之何補於治哉淮竟罷職予祠光宗受禪除軍器監遷太常少卿以言者罷紹熙元年除淮南運判兼淮東提刑以鐵錢濫惡不職貶秩知廬州召除大理寺少卿**盜宗**卽位除吏部尙書兼給事中及之早與薛叔似同擢遺補皆爲當時所予黨事旣起善類一空叔似累斥逐而韓侂胄漸收羅知名之士又意在開邊乃以及之同知樞密院事嘉泰二年拜參知政事進知樞密院事兼參政四年夏兵端已開侂胄欲令及之守金陵及之辭不行遂罷知樞密侂胄誅中丞雷孝友奏及之實贊侂胄開邊及守金陵始

詭計免行降兩官泉州居住嘉定二年卒著有涉齋集子

綸編次綸號筠齋

宋史本傳續  
通鑑舊府志

王柎字木叔故順州王氏石晉時以其地賂契丹遷永嘉亭山先世皆儒者不仕柎以春秋中乾道丙戌進士第婺州推官孝宗疑諸州上供有滲漏漕司遽令婺州增斛二萬守以下不敢爭柎獨言今苗畝七升羅四十餘千較他郡偏重又無故增二萬何以共命會新守周權且至走書白權袖以進上愕曰朕未嘗加賦也繇是凡議滲漏者皆免移台州推官處州張彭殺人謾謂奴當罪弟泗佐之獄四五不承柎令泗畫地狀奴所以擊死者泗失對泣謂彭

永嘉縣志

卷之十五

人物 宦績

十二

曰昔勸官皆先鞠奴款定泗和之爾今先問泗吾不知所答兄真殺人矣彭遂伏罪一州稱明教授黃州義烏縣丞東陽俗素悍攝一月威信大立決事千章滯案皆盡民不敢帶刀矩步而出頑鄉遠逋爭自輸委知績溪縣鑿山壘畝乾瘠大半柎積錢買田爲新塘六十八塌六又復舊陂歲得美熟無以旱報者監進奏院太府少卿坐僞學罷知江陰軍蔡涇者江海之交也皇祐中嘗一疏治填淤久水不勝舟公私患之乃開渠港五百餘里漕挽通流灌注一郡民事瘟神謹巫故爲陰廡複屋塑刻詭異使祭者凜慄疾愈甚乃鞭巫撤祠壞其像病良已遷大理丞禮部員外



郎提舉江東常平茶鹽開禧之役沿江上下警備洵洵置  
池州不問柙時兼守池言頃歲有金花帽一籃卦住此累  
年矣近孟思齊至符離其人忽指而謂曰汝池州城甚惡  
姑自完何必來思齊軍相顧失色始悟其謀也且虜何畏  
不乘吾虛一處得人則江南震矣不報募張飛英獻緡錢  
八萬請城池州又不許不得已補尤穿穴者深其濠水環  
之抽裏兵守江岸辟劉積中副總管委以軍政池人少安  
召爲吏部郎中兼樞密院檢詳文字國子司業祕書少監  
國史實錄院編修檢討官兼侍立

案玉海起居郎舍人專  
掌修起居注後殿及崇

政延和殿侍立隆  
興初詔前殿侍立

罷主冲佑觀知袁州未行知贛州先禮

### 永嘉縣志

#### 卷之十五

人物 宦績

#### 十四

教後刑罰贛人在元祐黨十有四柙徧諭耆老曰汝州多  
人如此將百世稱之後生可不勉乎民感其意相戒勿  
犯俗喜麻苧鮮絲纈乃課種桑多者減役贖罪贛廣間常  
以歲杪販鹽空聚落往返號鹽子所過輒殺傷官軍故有  
鹽子獄柙奏申嚴保伍須行者給憑乃聽是歲鹽子獄十  
省八九提刑者新進少年意不合毀之於朝復主冲佑觀  
贛人雪涕前後擁不得行柙曰太守數易古矣今不去後  
當去耳焉用無益之留賦詩而別贛人刊而祠之嘉定十  
年卒年七十五子煒從事郎東陽主簿爚將仕郎知泰興  
縣李全之斃預有力焉熊未仕孫壘亦貴顯

藥適王祕書  
少監墓志舊

薛紹字承之其先自河東徙閩長溪有令之者仕唐至左補闕人以其廉號其居廉村廉村之後爲永嘉人紹登乾道二年進士第授台州推官州用急釀者滿城幾無榷矣陳守巖肖憂不知所出紹曰易耳命徹舊帘有自門堂來言薛推官新酒美而賤相傳徧一郡飲於家者悉從官市榷緡十倍更事向守洿洿老吏檢御有繩尺尤器之以爲能繼已監車駱院知鄱陽縣訟日千數紹曰息爭莫如理訟常至丙夜鬚髮爲白太守所遣卒詬於庭囚之守怒紹流涕曰知州豈重一兵輕百姓耶知宜春縣前知縣有柯

永嘉縣志

卷之十五

人物 宦績

十五

長卿邑人紀之故稱前柯後薛云通判無爲軍攝知州積寬剩糴米餘十萬紹熙五年歲饑賴以濟知真州有女奴自言其祖爲先朝諫臣紹優與金帛擇士人嫁之提舉浙西常平茶鹽就遷提刑有竊富人婢以逃其家謂主殺吾女州縣以成獄紹至却之曰安有殺人而無驗者未幾婢果自詣除戶部郎淮東總領遷太府少卿難其代復留年餘召爲太常少卿淮東用鹽餉軍務場趁賣無詰率以鈔當錢冒賞紹常賣實錢三年間增多三百二十萬貫執政駭異謝丞相深甫從容問用何術紹具以實言丞相歎咨良久指其榻曰此公坐處也嘗見韓侂胄問少卿來幾何

時亦何欲紹但喏喏退卒不自結於韓亟請祠以直秘閣致仕秩中奉大夫嘉定五年卒年七十四子師巖南劍州司理龜從登慶元己未進士第湖州司法岷上舍釋褐武

當軍推官師武監隆興府稅務

葉適太常少卿薛公墓誌

毛密字崇夫

一作大

經術醇儒師授鄉黨母病疴憂甚每夕

禱北辰拜且泣時妹立母側恍若有告曰何不服五苓散因持付之啟視赤色俄若夢覺以語密詢之醫云此病由鬱熱所致當加硃砂於五苓散服之果愈人以爲孝感所致入太學登乾道第爲教授改國子錄召試館職爲博士改太常國子丞飭躬厲行尤邃於禮諸生敬畏轉大理司

永嘉縣志

卷之十五

人物 宦績

十六

直乞補外添差通判池州廉仁之譽洽於衆口奉檄決囚盡心疚懷探索情僞曾不旬時釋放誣服決遣滯囚凡三百八十六人楊萬里賢而薦之後參淮東制閫一日按吏舞法者十有八人人皆畏服擢權禮侍左遷饒州亦以廉

能著稱

舊府志  
誠齋集

鮑瀟字清卿父得朋縉雲縣令瀟入太學前後積取高等中乾道壬辰進士第教授處州興化軍幹辦湖運司公事知新昌縣通判濠州知潮州自乞宮觀知融州復乞冲佑觀而終累官朝散大夫方永思陵復土瀟主新昌頓遞中貴衛士求索紛遞至裂供張棄食飲椎呼摔他邑失魂

魄奔命瀟取小胥所執籌籤削之瀕運河立曰大行在道  
率土悲殞非臣子自快時也小縣排設旣一應法矣而公  
輩誅責不已吾搶兩目蹈此水爲百姓請命公能自安乎  
衆大驚謝過退卽次肅然民免橫斂濠歸正人常跳淮暴  
虜邊殺人燒屋相繼千戶隔河注箭徵主叫罵瀟使與打  
話曰吾在此姑待集其總首撫之曰爾等看我面如滿月  
忍爲是乎歸正人感動皆拜且泣曰請後不敢自是終瀟  
去邊人開竇而睡牛馬被野矣子埜迪功郎興化<sub>德二</sub>  
縣尉孫咎將仕郎

葉適朝散大夫鮑公墓誌

陳謙字益之號水雲乾道八年進士授福州戶曹主管刑

永嘉縣志

卷之十五

人物 宦績

十七

工部架閣文字遷國子錄敕令所刪定官樞密院編修官  
陳中興五事至李綱議建鎮事上曰綱何足道謙曰陛下  
用大臣審出綱上宜如聖訓今顧出綱下遠甚奈何上蹙  
然遂極論踰數刻孝宗內禪通判江州知常州開孟瀆均  
溉民田扶善抑惡郡稱神明提舉湖北常平就遷提刑辰  
州猺掠辰沅岡邵四郡謙提軍擣其巢穴降十八餘峒加  
直煥章閣慶元二年除戶部郎中總領湖廣財賦謙乃丞  
相趙汝愚客會黨論起坐斥後數年起爲提點成都路刑  
獄移京西運判復直煥章閣開禧元年襄陽帥李奕皇甫  
斌密受韓侂胄意謀先事擾金人令獻馬者補官七州民

相扇爲盜謙移書侂胄曰復讐大義也伐國重事也今若倚羣盜行剽掠之策豈得以敗亡爲戲乎旣而屢論斌奕罪力陳四不宜動且求罷二年上諭旨薛叔似協和之遷司農少卿湖廣總領除宣撫司參謀辭金兵深入陷應城焚漢川漢陽空城走武昌震懼謙以寶謨閣待制副薛叔似宣撫卽日置司北岸敵絕南河亟命土豪趙觀覆之中流士馬溺死甚衆餘兵皆返走軍勢漸振未幾奪職罷後復知江州侂胄死和議已決謙復罷嘉定八年始提舉興國宮明年八月朔卒年七十三子觀宣教郎知益陽縣從弟說字習之其第三子復亦爲謙後所著有易菴文集春

永嘉縣志

卷之十五

人物 宦績

十八

秋解周禮說永密編

宋史本傳水心集  
正齋集萬麻府志

張季樗

水心集作  
秀樗疑誤

字延卿闡少子也入太學用父恩試吏

部第一監臨安府糧料院遷勅令所刪定官司農寺丞兼權倉部郎官換工部出知潮州潮俗矜厲自喜季樗崇雅黜陋用刑甚簡士民愛服提刑行部貴倨甚候迎累日不至季樗賦詩稱遠地井蛙尊以誚之提刑怒撫他事劾之季樗引詩自辨上笑曰守臣不應罵監司邪竟罷起知南劍猶坐前謾不行知沅州申舊禁猺人至市則令都巡防監視訖事各還剽奪衰止上言都巡防與猺相持最苦請三歲一補官以責盡力土城纔四里高十二尺如女垣且

用板屋風雨漂搖非所謂設險也請甃磚石備樓櫓以垂永久又起貢院數延後進向學滋多自總領以下皆薦季樗季樗仍求外得光州自光西南行有梅村沙窩深阻隔塵世山如繡屏畫卷數里一合土人存著老幼處也季樗上言異日欲遷郡沙窩久矣決遷之易守禦便儲積既固可以牽制可以進攻此五利也請以城壁事付而與商廷昌兩易濠州濠人占地無頃畝之限後至耕不較也暨田成而訟起州縣往往有所左右季樗獨中分之官私厭服初至郡謀報虜主窺邊州人大恐定遠縣逃奔幾盡季樗不爲動但遣承局趣取子舍遠近安之亡

永嘉縣志

卷之十五

人物 宦績

十九

復還就知和州其在光濠朝旨建廣儲倉他郡徒改椿立號名惟季樗置廩貯米如令光有司馬公祠歲時率官拜其下至和首開三河復胡昉故跡剗車蒺藜火藥傳右轅左蓐嗅地望塵廢關遺隘之要無不預講然時論將遠討疑季樗爲平世守非邊才季樗請祠遂提舉冲佑觀積官中散大夫開國永嘉縣男嘉泰四年卒年七十八季樗志慮精密前後謀議數十上皆有成畫深而不迂切而易從言州縣受納盤量常欲今歲出剩多於去歲商稅增額必以一年最高比較彼安從得皆出於民耳民納錢免役而役不得免今姑令見役保正長免當界役錢可也

可謂知憂民矣又請內外官奏對須指陳急務不許泛引  
閑慢人已言者盜複言之期於必行而已此知治體之論  
也又言陛下無恃江爲險必守淮而後能守江修城增戍  
所以守淮也或曰增戍難在錢糧移江置諸淮爾何難且  
州郡不敢教戰甚無謂虜今日打獵明日巡綽率用千餘  
騎豈慮警動我耶此又壯論異於人者也子五燧通直郎  
福建舶司幹官熺儒林郎監行在酒庫所糴場炳從事郎  
甌窰縣丞燿登慶元第迪功郎常州教授燁登嘉泰第承  
奉郎孫十六人坦將仕郎圯登仕郎曾孫鉉登端平武科  
閤門舍人以忤史嵩之棄官歸

水心集  
府縣志

永嘉縣志

卷之十五

人物 宦績

一二十

陳巽字克父以從父謙任爲彭澤主簿淳熙間爲青田令  
性通敏遇事剖決如流皆稱情實目爲賢能

青田  
縣志

陳式淳熙中知達州崇學勸農葺城完廩以禮爲教民心

感悅立祠祀之

四川  
通志

王允初字元甫居千石登淳熙辛丑第知餘杭縣通判德  
安府開禧丁卯金人以重兵圍城甚急允初登陴固守相  
持百有八日敵解圍去擢知本郡遷京西提刑湖北運使  
知鄂州召赴行在卒謚忠敏

康熙  
府志

子致遠以父蔭知慈谿

縣嘉熙庚子浙東大饑致遠於僧寺置局爲粥以救饑日  
食千人已而鄰氓攜老幼就食者日至八千人已俸不足

請諸臺借助巨室以續之迨麥熟始罷尋勸居養院給薪炭以處老弱之無歸者勸慈幼院厚乳哺以活嬰孩之委棄者病爲醫藥死爲殯埋邑民感德繪像祀之累遷湖北提刑改浙東知台州召爲吏部郎不赴居鄉十年創永嘉書院祠周許二劉鮑五先生於中著有德安守城錄孫漢老倅明州宋亡杜門不出以壽終

舊府志  
姓譜

陳龜年字永昌登淳熙第慶元丁巳以軍功遷奉訓大夫司經局太子洗馬奉勅褒美有文堪華國武足經邦等語居官樹氣節朝士多憚服之嘗於州治東建石橋以濟民民頌德不置遂以洗馬名橋歿葬雲霞奧

康熙  
府志

永嘉縣志

卷之十五

人物  
宦績

二十一

民國二十四年補刻

項公悅字無欲出仕所至有政聲初調閩縣簿再調福清縣簿邑有七賢之謠公悅居其首改無爲軍司理讞閱忘寢食獄爲空紹熙中改秩知侯官縣治加恢拓庭無鞭扑聲會歲旱禱雨瑞澤潭在萬山頂披荆棘徒行烈日中數十里下山驟雨隨注兩晝夜歲稔而公悅病暍矣疾革家人環泣問以身後事不應再問瞪目曰某囚疑未判某事未能圓一語不及私林石室一龍銘之曰以死救民誰則有此循吏之傳執筆後死

萬姓統譜  
福建通志  
萬麻府志

林士尹紹熙癸丑進士監省倉門嘉定間以宣教郎出知崇安政平訟理禁暴戢奸遷知賀州

福建  
通志



陳大紀字正之登慶元丙辰第任邵陽尉來賓令轉廣州兵鈐知象州改昌化軍尋知橫州秩滿適妖賊侯廣李藍六煽亂鬱林貴竹廣右騷動諸司環視畏却大紀慨然捧檄節制飛虎摧鋒兩軍號令嚴明親冒矢石與士卒同甘苦開城諭賊散其黨羽擒其渠魁訖事僅五月召試閤門舍人以功轉兩官廣西通志遂引年歸性樂易好施歲歉發粟以濟鄉閭人高其厚德云萬曆府志

方來字齊英初從葉適學以父叔玠遣澤補官開禧鎖廳試登第教授安豐軍時黃榦爲通守因師事焉知吳江縣以薦除監察御史遷左司諫面對乞早建儲并及他事皆

永嘉縣志

卷之十五

人物 宦績

二十二

剗切久之除起居郎遷權兵部侍郎以親老乞外知漳州闢南街置東西備安庫朱子嘗守是邦北溪陳涇從其學前守建龍江書院乃於其側建道原堂祀朱子而以涇配焉尋奉祠歸景定初朝廷推恩故老特除寶章閣待制與比鄰翁永年並命郡爲二人立仁壽坊年八十二卒萬曆府志

福建通志

蔣叔輿字德瞻號存齋行簡次子也其爲學本末畢具天文地理律術音樂倉扁之書靡不該究其大者漢唐本朝兵刑財賦之源櫛理組貫其言八陣牝牡奇正畫地成圖不翅指掌其手抄箱積棟充盡天下異書也其處朋友獎

善箴過藥病卹難無昵疎之異嘗從父行簡出峽與兼山郭雍上下其議論又從袁漑道潔於夔州亦以所學質焉邁爽自整幅巾抵掌談辨如雲聽者莫不心醉其所植立麾斥塵滓於八荒之外人莫能涯也於詩則不廢四靈於文則水心之門友道德性命既已參周程之旨於袁郭而於薛公士隆講畫制度尤詳又以管葛自期而尋繹其事於齊語蜀書慨然有拔起之志以父任調揚州司戶監仁和買納鹽場華容節度推官永新縣丞嘉定九年浙漕薦其文於禮部遇同里戴栩於行都栩稱水心語謂曰子以勝流恬於仕進了無干澤可矣奚必以科目爲累哉叔輿

永嘉縣志

卷之十五

人物 宦績

二十二

笑頷之自是不復舉進士荆湖制置大使趙方擇屬辟掾皆一時選敬慕叔輿檄佐其幕力薦於朝升知弋陽縣縣爲鄉九都踰六十令民首實以整詭挾之弊其肥瘠高下爲圖記之夜漏未盡五刻輒視政連年積牘一閱立剖其曲直參互者呼令前兒女諭之夏秋二賦與民立期一胥不至鄉落宿欠三萬緡收遺拾碎痛自節約迄無少負建社稷壇興常平倉又以餘力創薰風樓造了巖李村驛而月解常先於諸縣嘉定十六年卒官年六十二階承議郎民畫像祀之戴栩銘其墓

浣川集

戴若冰字景清中散大夫迅曾孫祖顓朝議大夫知建昌

軍有詩名永嘉誌多載其題咏父九韶淮東總領所幹官  
贈朝散郎若冰少穎爽風姿玉雪父以已所補官遜之調  
崇安主簿臨海縣丞知羅源縣閩土礪而狹賦人多倚院  
寺僧以明年之糧鬻今歲之直甚而豫鬻四五年名曰撲  
賣至期則竄無從索耆戶長厭苦若冰令先占稅而後貿  
易故督賦不擾而辦帥何澹下其法十一縣行之遷監行  
在贍軍激賞東酒庫改知瑞昌縣化理大洽諸使交薦曰  
此繭絲與保障俱全者終通判處州階承議郎轉朝奉郎  
寶慶元年卒於家年七十一子必聞孫耆壽以祖廕補將

仕郎

浣川集

永嘉縣志

卷之十五

人物 宦績

二十四

謝子强字强學登嘉定第由州縣陞京秩歷太府丞工部  
刑部郎出知嘉興府復以祕書監兼左諭德除起居郎尋  
奉祠召爲兵部侍郎擢待制出守潭廣越明四州皆以賢  
稱終寶章閣直學士謚清惠子强踐敷中外回翔要津所  
更數鎮皆東南蕃庶之邦仕者歆慕焉

姓譜萬  
麻府志

戴楠字敬忠文端公溪長子高才博覽尤熟本朝掌故年  
十四丁母憂獨扶柩以歸既長以父恩補承務郎監龍山  
稅丁父憂免喪宰宜興勸諸都結義役民碑紀之有挾吞  
刀吐火奇術者屏出境新縣校葉水心爲記秩滿差建康  
諸軍糧料院兼幹辦公事差行在諸軍審計司時司馬一

軍久闕額請招刺補足以嚴天拱壯帝居尋監三省門差知高郵軍時許國制置山陽李全嗾其將劉慶福襲之中外大恐桷登陴固守厚賞格以戢姦細嚴保伍以備竊發遠斥堠以偵賊蹤廣諮納以修軍政部伍整密金鼓精明五里之城隱若一敵國矣逆全黨數千忽軼郡境檄監軍禦之斬首數千軍聲大振時山陽潰兵所過剽劫招而伍之得千餘人或告新軍謀叛桷單騎入其軍開以禍福皆羅拜改聽逆全遣人兌糧十萬吏持牒手顫桷報曰朝廷寄椿郡庾當請於朝可否一惟君命其請遂塞復應詔條陳禦邊三事時不能用以邊勞除提舉淮東茶鹽臺治有

永嘉縣志

卷之十五

人物 宦績

二十五

壁記文端爲前倉使汪茂楚作也至是題識適滿桷乃鑱石續焉大旨以優丁戶寬厲禁爲本父子踵爲記人詫其異踰年除戶郎官總領淮西錢糧時相語都司前後職餉不侵科降戴某一人而已就陞太府少卿得怔忡疾丐歸除直煥章閣主管鴻禧觀告詞有岷隱春容式燕鄉粉之樂因築堂扁曰燕樂以侈上賜自號城南灌園叟<sub>溇</sub>祐癸卯卒年六十二積階朝議大夫封永嘉開國男娶王合齋柎女子二炳從事郎監海鹽縣酒庫焯將仕郎孫墳將仕郎桷性夷平無岸谷與人交能受盡言內行尤謹自謂牀第閒事可以語人藏書數萬卷裝度嚴好好事借覽欣然

與之糴貴出粟減價以糴貧甚者賑之買田爲廩凡族人  
之官燕胥及嫁奩葬槨取具焉所著建[盜]諸軍糧料類編

十五卷精贍絕倫

上田戴氏譜陳  
均戴公行狀

潘凱字南夫閤門舍人櫪從子弱冠入太學上書言史彌  
遠擅權士論躓之登紹定第常德府教授勇信軍作亂凱  
馳入營裂帛植於門曰在營者非叛軍士皆歸伍無敢後  
乃止戮其首亂者郡人德之與董槐同立祠祀焉[涓]祐未  
除監察御史三疏論丞相鄭清之不勝任未報卽歸後以  
宗正少卿除祕閣修撰進刑部侍郎丐外擢寶章閣待制  
知太平州卒從子希聖字養蒙嘗率六館論丁大全終戶

永嘉縣志

卷之十五

人物 宦績

二十六

部侍郎希仁字養浩兩優釋褐終將作少監

[舊府志]

翁永年字可尙兄卷字靈舒能詩水心葉適序其集永年  
少篤學言行粹然登寶慶第教授沅州峒猺田其姓者來  
學士類疑不當納永年曰有教無類責在吾黨改知仙游  
縣輟俸新義塚除武學博士及通判福州不赴景定推恩  
特遷朝奉郎年九十三卒

[舊府志]

薛直夫字遇叟嘉熙元年知雷州始闢試闈增置貢士並  
立二蘇祠修理隄渠建橋立市以便貿易始雷俗不知醫  
藥病則專事巫禱直夫創立惠民藥局教以醫療有仁者

之政去之日民立生祠祀之

[廣東通志]  
[乾隆府志]

林裕字藏英與弟易同登漚祐第教授靜江府以周程諸書與學者講說又置乳洞莊以資貢士除國子錄坐諸生上書罷謫婺州景定初以博士召歷宗正簿祕書著作郎知徽州除監察御史面對言不世之大功易立至微之本心難保敬肆少殊影響絕異遷右司諫擢起居郎進權吏部侍郎卒易字藏用知益陽縣疆場繹騷措置有方境內帖然薦主管官誥院卒兄弟孝友人無間言裕子熙字靖夫以父任授知建寧府麻沙鎮元初不仕遇鄉曲緩急必

賑之

舊府志

趙與霆字震道與弟與琇同登漚祐第爲常德府推官郡

永嘉縣志

卷之十五

人物 宦績

二十七

守將上薦牘莫適所與乃集幕僚於公署鬪而昇之與霆獨稱疾不往守賢之而同列亦愧服焉知鄞縣究心撫字數以公事與制閩爭無所降屈通判興化軍監登聞檢院知梅州按選舉志作撫州守未赴卒與琇字器道爲建寧府司理盡心推鞫多所平反時馬光祖以閩兼守號一代吏師僚幕擬筆不當意輒斥詈塗竄獨以與琇爲能改知瀏陽縣通判紹興府除將作簿卒年八十弟與復與運俱登科

屬姓統譜

府志

徐霆字長孺少爲母舅陳埴所育常與講學由是得聞性理之要長游四方所見益廣連中漕舉紹定中李全亂淮

楚霆從趙善湘爲制幕軍謀檄筆實參其事全斃以功補官歷授江東路兵馬鈐轄移江廣歷守欽復州漢陽軍以

武功大夫致仕

萬麻府志

林天瑞字子輯景定初知崇安建諸賢祠於學宮創太平

西橋蠲人戶助綱錢給孤貧錢米以慈惠稱

福建通志

元

宋眉年字壽道號筍翁慶之子少從林石室一龍學弱冠領胄薦元初部使者完顏卓徵爲郡學錄陞學正轉興化

贛州教授政和主簿有能聲告歸著有存稿集

萬麻府志

周希濂字君儒才識通練尤長治劇以諸生爲府吏歷茶

永嘉縣志

卷之十五

人物 宦績

二十八

鹽漕所至舉法除弊卓卓有聲爲書論浙鹽積滯究其蠹害甚詳嘗憂爲吏者無所師法述臨民出政之方五十條以授初仕者至正十三年三月官黟縣令紀綱禁令悉復舊規聽訟謹審流民復業詳見趙濟黟令周侯政績紀

黟縣志

志

陳麟字文昭父瑤泉州市舶司吏目麟天資警敏自幼篤孝侍父疾不解帶者十有四月疾革刲股和糜以進竟愈年三十始志於學至正甲午以易經貢春官廷試置乙科授慈溪縣尹時縣吏竊弄威權麟至求士大夫之賢者卽家問事父老來見時語次鉤其隱伏以相參考倣古爲詬

筭虛中而穴其上置諸鄉校令民有所言投書其所削其  
主名由是縣大小事無不周知吏以麟盡得其受取請賊  
狀噤不敢出一語惟抱文書呈署而已縣歲貢春茶有司  
緣爲奸利麟計其常額以平價市之比舊十減九後遂以  
爲法縣之鳴鶴鄉有界塘在餘姚界霖雨後鄞江之水輒  
衝潰塘塘潰而鳴鶴沼矣麟乃去塘五尺許撻木籠竹加  
土築之甃以石由是水患永絕淮寇陷湖州所在驛騷有  
旨令郡縣團結義兵麟親閱丁壯教之擊刺坐作日夜部  
勒無不精練瀕江南岸曰網灘惡少年嘯聚爲盜則督士  
卒奮擊磔尸江上鄞縣之夾塘有劇賊時出爲害潛引壯

永嘉縣志

卷之十五

人物 宦績

二十九

士盡縛之斬以徇自是遠近無犯法者長老以爲自開國  
以來治慈溪者莫能及臺省器之權陞浙東副元帥領縣  
事如故時邁里古思在越禿堅鐵木兒在餘姚皆以能名  
與麟號浙東三傑會方國珍駐兵慶元威勢日盛麟度不  
能敵單騎往謁留不遣徙置海上之岱山旣至卽著道士  
衣冠而舍其宮治田葺園種牧以爲食麟以海鄉僻陋爲  
興岱山書院嚴師弟子之職復與里人聚石爲臺陳篋篋  
爵尊盛升降揖讓如鄉飲酒禮父老見而榮之爭令子弟  
爲學變其習俗且名其臺曰陳公臺朝廷起麟戶部主事  
佐尚書貢師泰往理福建鹽賦尋改温州路瑞安州知州



度不能行以疾辭丞相河南王總戎太原授中順大夫祕書監丞亦不赴凡留海上十載移郡城又三載明興南游閩中洪武戊申九月卒於閩年五十七戴良誌其墓稱爲元之循吏云子汝賢汝弼

九靈山房集  
舊府縣志

林邦福字大彥祖益甫自瑞安遷永嘉父桓台州路總管府照磨邦福局度孤鳶不爲屑屑詭行弱冠游蘇府公廉共賢辟爲史蘇之寓公多權要頤指氣使州縣皆唯唯不敢較邦福毅然不爲屈有請託者却不聽且曰國法何可以徇人調授處州松陽監稅改監紹興如坻倉釐革弊政出納有程顆粟弗私轉嘉興陶莊務副使時浙西大侵民

永嘉縣志

卷之十五

人物 宦績

三十一

嘯聚奪餼糧與抗者輒見殺上官檄攝尉事邦福授以籌略分遣弓箭手掩捕之未幾皆獲議法者悉付重典邦福走白部使者曰饑民無食雖萬死不顧何往而不爲亂原其初情不過魚游釜中少活須臾之命如法家議無乃太過使者以爲然免死者數百人轉饒處二州州之務居城闈稅課每屈邦福運量有法皆以最登秩滿監衢州常山務絳巾賊起沔陽江浙諸郡皆繹騷弗<sub>密</sub>時浙省左丞高昌公出鎮廣信專總戎事署爲常山尉邦福集義旅數千淬礪戈矛使習坐作擊刺之法號令精明部伍整飭不亂亂民皆吐舌散去會其子温補江南行臺掾迎就養未幾

奉之還鄉時浙省左丞相康里公承制得專封拜擢鄉郡  
知事郡民舉手加額曰吾州害與利林公知之我民庶有  
瘳乎適山寇竊發掠慈湖將窺城上下洶洶邦福白於府  
曰事急矣奈何吾將以三寸舌却之乃單舸直走賊巢賊  
大駭爭持白刃相脅邦福厲聲叱曰朝廷何負爾輩乃敢  
弄兵反藉使州縣賦歛急或不能堪當訴之方岳大臣今  
乃自麗刑憲官軍旦夕大至舉族當作菹醢吾憐汝輩愚  
特來示以生道乃欲吾脅耶吾非畏死者任爾爲之任爾  
爲之賊衆愕眙相顧再拜謝曰公言良是微公吾屬入鬼  
錄矣皆俯首退去爲良民有司方以功狀聞竟以疾卒年

永嘉縣志

卷之十五

人物 宦績

三十一

六十七子温常皆知名自有傳次嘉福密州知事次密行

宣政院宣使

宋濂元瑞安州知州林府君墓誌

明

周丹洪武初進士

案選舉志進士諸科俱無周丹名

授新化縣丞在官以

廉勤稱門無私謁吏卒不敢欺驗民貧富及丁稅多寡第  
爲上中下籍記之遇有賦役隨輕重使之故民不擾而事  
易集獄訟文牘躬自督理吏胥不得爲奸罷諸役作民晏  
然安業流民歸者益衆滿考課最擢考功主事旣而縣民  
蕭俊等詣闕言自本官去職縣政復擾乞令再任帝命復  
爲縣丞仍令禮部宴賞而遣之

憲章類編湖南通志萬姓統譜

葉宗字允承洪武乙丑進士永樂中爲新化縣丞奉公憂國潔已愛民三年擢吏部考功主事父老詣闕請留再任教行政洽遠近胥化超遷黃州府知府心志宏大決事明

果

湖南通志楚紀寶慶府志

陳敏字允政號雪溪其先縉雲胡陳人宋末遷邑之柑溪敏領洪武丁卯鄉薦會試中乙榜授宜興教諭申畫條約闡明義理月課出題先具稟以爲矜式諸生事之如父敬之如神明廟學弊陋剡上政府哀資脩治外艱服闋擢建陽知縣便道省墓有鄙夫竊議建陽富庶官於茲可以厚蓄積敏聞怫然迺具牲醴告祖廟會族里出矢言以見志

永嘉縣志

卷之十五

人物 宦績

三十一

談者赧服至縣慎刑均役興學勸士會歲歉發粟振濟天旱齋禱一雨三日歲以大稔徵拜監察御史巡按雲南邊夷震悚鎮守北京強宗屏息平反理枉囹圄空虛擢湖廣按察司僉事常以官怠宦成爲戒持憲度益謹轉山西行太僕少卿行太僕例不設卿以少卿掌印考牧閱習躬理不怠暇則引諸生英秀者聚私室講論經史以娛晚節宣德辛亥卒於官年七十一著有雪溪集

介菴集陳公墓誌銘福建通志

林文定號定菴父振由樂清東奧遷郡城雙桂里文定入太學歷事天官永樂己丑授永新知縣縣在窮山中強宗酷吏守禦暴卒脅持漁獵株連根固政疵民病凋瘵萬狀

文定廉知之即日申明法令榜市中擒首惡數十人具獄送上司治其罪黨與歛迹綱紀大振僉憲唐公大書玉壺冰三字遺之士大夫賦詩稱美焉辛卯夏大旱徒步拜禱大雨隨注宋末覃氏婦避兵學宮被執不辱死遺蹟不泯有司旌表門閭歲久弊壞文定重建以勵民俗外艱服闋調廣東信宜縣宣德丁未母喪歸遂致仕階文林郎正統癸亥卒年七十一黃文簡銘其墓

介菴集

黃象永樂中由府學貢宣德中知興寧縣臨民寬恕政事

簡易在任十一年百姓依戀如父母代還老幼遮道感泣

湖南

通志

永嘉縣志

卷之十五

人物 宦績

三十三

周文褒學行卓越尤善楷書登永樂辛卯進士歷官河南左布政使勵志勤政察官民利病即陳奏而興革之屬吏

有過執法不少貸聲望赫然

萬麻府志河南通志 南

趙順祖字永脩宋濮安懿王後也高祖與元宋太常司幹官曾祖孟麟將仕郎祖由信元宗晦書院山長父守謙永

樂中順祖以貢入胄監授南昌府推官諜訴紛錯一以仁

厚爲本持已約燭理明聽斷不惑獄無冤滯調延平府道

聞母喪歸遂杜門不出宣德乙卯卒年六十一

介菴集

方以正字秉中弱冠登永樂戊子鄉科乙未進士授吏部考功清吏司主事出倅建寧以廉威著秩滿遷贛州同知

多異政兩川士民效庚桑之祝尋以祖父重慶歸養所著有藏山名世集及五經諸解裔孫茂棟領崇禎己卯鄉薦

康熙  
府志

阮存字以禮永樂壬辰進士授監察御史歷官廣東右布

政使敷歷中外四十餘年以清慎稱

康熙  
府志

周旋字中規正統丙辰進士廷試第一授翰林脩撰進侍講兼左春坊左庶子性直尚義當英宗北狩景帝卽位也先挾上皇攻京師邀迎駕不得請挾上皇去旋乃奏請迎駕疏曰臣竊覩車駕之北征也皇上以宣廟之子上皇之弟爲公議所推爲華裔主至上太上皇帝尊號且圖迎復

永嘉縣志

卷之十五

人物 宦績

三十四

此天下之至理也彼雄黠也先不知此率兵送駕仰賴皇明深燭其僞使不遂所欲而去臣則獨痛上皇與之俱去也夫上皇以中國至尊一旦屈身沙漠其始誤於王振終誤於喜密臣言及茲五內崩裂伏望皇上以復仇雪恥爲己任大興問罪之師以迎被留之駕昔唐肅宗卽位尊元宗爲上皇及自蜀還上皇卽日入興慶宮豈非先時處之有所歟他日戰勝敵降上皇必還亦宜預爲歸處之所則非惟皇上不失所尊之初意亦足以釋也先所給之羣疑矣不報乃罷歸尋卒旋爲弟子員卽刻苦於學旣在選首遂日夜進學不厭爲文恥襲陳言務出己意每日引滿酒

數行索筆千言立就汗漫演迤理致泓然求者接履於戶而應之常若有餘所著有畏菴集四十卷康熙府志弟順德字

恕菴博洽能詩著有過庭集鄒繼璉周尚文墓誌

朱良弼字士薦桃源教諭脩學宮備祭器擇可教者十餘

人朝夕與居授之經義兩爲廣東京畿考官得人爲盛周

旋薦其廉能公正練達老成堪任牧民亦宜風憲畏菴集

葉錫字元圭號葵菴誠祖之子水心先生適九世孫也宣

德庚戌成進士入翰林爲庶吉士正統元年出知吳江縣

以母喪去再知吳縣專尚德化十年大計天下羣吏始命

舉治行卓異者賜宴內廷加命服而錫與焉會奸民訐於

永嘉縣志

卷之十五

人物 宦績

三十五

朝將逮繫吳人羣詣闕頌錫乃令視事如故抵誣者罪十

三年擢密國知府所部無貪吏民用富饒陳司成敬宗贈

詩云名齊喬嶽峯尤峻心比澄江水更清人稱爲葉青天

云卒官祀名宦祠

明史楊瓚傳  
鳳麻府志

葉式字成規號瑞峯宋文修公後父聰字文明有九斗山

人集式學識醇正年十六卽有志聖賢之學事父母以純

孝稱正德丁丑以書經魁春闈選庶吉士授翰林院編脩

遷修撰侍經筵司教內書堂嘉靖癸未丙戌同考會試以

不附時宰議出補廣東按察副使明習法令有疑獄久不

能決者匝月間平亭四十餘事立粵秀書院講學其中丁

內艱歸踰年卒居鄉絕口不談公事當道知其貧使人闕  
諷屹不可動蓋自諸生歷華要不受非義一介終其身所  
著有瑞峯集子嘉慶嘉靖歲貢嘉運萬<sub>曆</sub>歲貢閩清教諭

俱能世其家學

國東錄  
舊府志

王澈字子明號東厓鉦長子與弟激並負時望正德癸酉  
舉於鄉授禮部司務歷遷兵部武庫司郎中時母舅張少  
師孚敬秉鈞乃退然斂抑陰扶善類縉紳至今稱之張延  
齡之獄少師力爭其端自澈發之而少師長子遜志贊成  
之人莫知也以親老歸省擢福建布政司左參議不赴林  
居二十年性寬容莊重與人誠意懇至望之知爲長者推

永嘉縣志

卷之十五

人物 宦績

三十六

羸振乏敦禮舉義勅宗祠脩譜牒著族約凡鄉鄰急難及  
境內利病力所能爲者悉以身肩之乙巳歲大饑減價出  
糶仍廣施糜粥日就食者千餘人兩月而罷嘉靖辛亥卒  
年七十九子叔果叔杲俱成進士別有傳

萬曆府志二  
谷山人近稿

王激字子揚號鶴山鉦次子天姿英邁手儀秀偉書過目  
成誦正德丁卯以春秋舉省試第二人初嗜仙釋氏語後  
與陽明高弟徐曰仁金汝白諸君子相友善切磨而張純  
項喬又從激受業嘉靖癸未以詩經成進士授吉水知縣  
不恃文法民自從令擢吏部文選司主事戊子主廣東鄉  
試庚寅遷考功郎中振拔幽滯黜陟惟允滿考擢南京通

政司右通政尋召主膳黃未幾改國子祭酒兼經筵講官  
因親老屢疏乞歸養海鹽鄭端曉爲張文忠孚敬所嫉激  
每陰掖之及激卒曉爲位而哭並爲之傳激風致魁岸過  
於澡潔視一切委瑣若有所浼方際通顯而力於求退不  
欲以親援爲口實也詩文操筆立就爲藝林推重所著有  
文江集鶴山文集若干卷子叔懋鴻臚寺署丞  
萬曆志  
鳳東錄  
朱腆字公膺號少川曾祖良暹宣德庚戌進士歷御史巡  
按山東終江西按察副使始由邑珍溪遷郡城兄勝六安  
學正腆中正德己卯鄉試選授鳳陽知縣素行不羈徵逐  
聲色及入官誓志清勤勞形盡職鄉閭傳爲異事竟以積

永嘉縣志

卷之十五

人物 宦績

三十七

勞致疾嘉靖庚子中秋日卒年五十二囊橐蕭然無以爲  
斂知府邵元吉買棺以殯士民爭請祀名宦祠屯田御史  
楊逢吉從其請仍令長吏治其喪巡撫周金監察御史石  
永各贖長夫四名臨淮知縣前御史劉士達知其苦節周  
旋顧恤不啻同氣子二欽銓項參政喬銘其墓  
鳳東錄

張純字伯貞號滄江少師孚敬仲子敦尚志節爲鄉閭推  
重領嘉靖戊子鄉薦有經濟志少師秉國多所裨贊少師  
卒後十餘年始令東鄉廉恪自持多惠政陞太僕寺丞遷  
南京刑部員外郎考最赴京不屈時宰遷山東轉運同知  
尋陞南康知府置田養士修白鹿洞立學規以疾致仕所



著有存愚思問錄紀遇東鄉諸集子二鳴鸞字仲儀號東越嘉靖乙卯舉於鄉授分宜教諭學識淵閎士論宗之已卯湖廣聘典鄉試拔袁宏道領解署知縣多惠政引疾歸著有東越筆記宜陽四六稿鳴鶴字東皋號見吾爲朝歌丞有惠政家居養恬樂志好行其德性孝友博雅工詩翰晚慕字虛翛然物外著有鈎字集萬縣志

孫昭字德明嘉靖甲辰進士初令永豐後補魏縣削弊懲奸政稱異等擢雲南道御史巡茶陝西更定茶馬法後人便之繼按河南首論宗藩之不法者稱旨奪爵民得安席按部持風裁先聲褫魄所至有解綬去者輿疾歸卒詩文

永嘉縣志

卷之十五

人物 宦績

三十八

簡峭勁拔有西行稿斗城集

康熙府志

王諍字子孝號竹巖少警慧讀書多心解父鍊字永純號晚春教諭湖廣竹山諍隨之任邑處士藍儻妻以女遂入籍補弟子員膺選貢舉南畿登嘉靖庚戌進士授溧陽知縣爲治嚴明豪猾屏息論最入爲山東道御史巡鹽河東抗直不阿有古大臣風以冰蘖名堂蓋自砥也值大旱禱雨祈鹽引躬切責甘霖大沛鹽花盛生時鄆懋卿爲嚴嵩私人總巡天下鹽政盡括民財以媚上欲加賦河東諍抗議而阻士民德之鄆至安邑令治具看席三十餘諍大怒立命撤去務從儉約宴罷卽具餞以促其行懋卿屏氣而

去尋按雲南時沐黔國朝弼肆毒一方按法繩其家屬沐懼餌黃金三百兩拒不受直疏其事上怒奪朝弼歲祿復奏前提學陳善之賢得復官秩滿朝弼餞之郊既飲而行有物簌簌動喉下乃以意呼燒酒調辰砂而恣進之覺其物下至膈復進之至腹則大痛瀉生血垂爲鼈形者數十百而愈尋刷卷南畿陞大理少卿會毛大司寇諸刑官議獄據律參駁各具奏上是爭議著爲令晉僉都御史巡撫貴州隆慶四年水西宣慰司安國亨戕殺諸父信信兄智因告國亨反諍請發兵誅國亨智遂爲總兵安大朝畫策且約輸兵糧數萬及師至陸廣河智糧不至諍乃令人諭

永嘉縣志

卷之十五

人物 宦績

三十九

國亨而止大朝毋進兵則已渡河爲國亨所敗遂上書自劾旨下回籍聽調歸築精舍南郭外日與故人觴咏其中糲食布衣徜徉山水見者不知爲貴人親故貧乏者隨力捐濟之見後進勉以力學所與游咸如坐春風中久之滇中諸司會議建祠合都御史呂公光洵祀焉移檄聞於郡有滇南疏稿詳刑奏議大學衍義略行於世

萬麻府縣志  
明史賈州士

司傳王弇州續稿  
山西通志湯志

王叔杲字陽德號暘谷澈次子嘉靖癸卯舉於鄉以侍父養輟上春官者再戊子倭擾海上復輟計偕緣族居築堡捐貲數千金佐之壬戌成進士知靖江縣調繁常熟清敏

和易尤善形家言於縣治西北得廢圃建文學書院重建縣衙移鐘樓於巽方皆工作之鉅者而不以煩民入爲兵部車駕主事隆慶元年領詔宣諭山東南直隸假歸上冢已遷職方員外郎尋晉武選郎中冢宰楊襄毅引爲重欲注入選部謝弗應出守大名土沃而民愿文學鮮振爲建元城書院延師儒課之由是人才輩出擢蘇松兵備憲副經畫水利海防綢繆綜悉晉右參政仍留治兵以失當路歡被劾聽調歸越歲改福建參政竟辭不拜所居依華蓋山麓爲玉介園距郭十里許築暘湖別墅皆窮山水之勝嘯咏其中負材博大而深通時務義急鄉井嘗改建府庠

永嘉縣志

卷之十五

人物 宦績

四十

及孤嶼仙巖諸名勝立捐千百金無吝色林居二十餘年萬<sub>曆</sub>庚子卒年八十四所著有三吳水利考玉介園稿子光美字季中鴻臚寺丞著白鹿社詩草孫至直諸生至京

中書舍人

萬<sub>曆</sub>府志蘇州府志大  
泌山房集東甌詩存

葉世德字有懷自樂清徙永嘉爲諸生時以孝友聞嘉靖甲子領鄉薦未嘗一濡迹公門旣授廣昌知縣以冰檠自矢益藩新置王莊民稱不便徑申文阻之新學校創義倉捐俸築橋與民興利時有前余後葉之謠擢漳州府同知職海防兼番舶稅力革夙弊一切饋遺謝却之尤得士民心遷楚藩長史遂致仕歸漳民立祠紀遺愛於石所著有

拙齋錄江右稿

萬麻府志

王一夔字樂仲少穎悟力學工文張少師孚敬見而奇之以子妻焉由選貢授雲南曲靖推官時霑益州土酋暴橫計禽制之御史劉廷儀特疏論薦稍遷鬱林州知州以惠愛著聞未幾解官歸築別墅珠浦履素葆真翛然物表屏跡城府者二十年

萬麻志

所著有浦東集

王良心字性德號存吾幼孤貧母姜氏守志督就外傳下帷發憤登隆慶辛未進士知增城縣嚴介簡重不輕言笑待胥吏尤峻無敢旁睨舞文者增城地僻民貧多豪猾屢興大獄或持吏短長良心至即置於法豪猾斂避其自奉

永嘉縣志

卷之十五

人物 宦績

四十一

澹若儒生賑民養士修學築城邑大治擢南京兵科給事中疏請崇大孝修德業及申飭邊臣以嚴武備等二十餘事皆激憤時政不避權貴居二年卒官後增城人創祠與前令樂清朱文簡合祀焉

舊府志 廣東通志

王繼明字用晦號慎軒萬麻甲戌進士授當塗令興利除害奸黨斂迹邑當孔道時張居正母喪馳驛還楚所過皆結綵相候繼明無所加禮居正銜之坐降級赴贛幕連署安遠瑞金密都三邑皆以循卓稱久之補樂安令奏最擢南曹歷守鎮江襄陽太平三郡太平秩滿瀕行餘俸二百金悉散給貧乏家無儋石儲所居不蔽風雨陞四川按察

使卒夔人以宋王十朋曾宦於此合祠祀之名二王祠

康熙

府志江南通志

葉承遇字思章萬厓丁丑魁南宮知莆田縣先是田分官民賦有輕重承遇欲均而為一而念浮糧難攤會有履畝之命即以丈出餘田折補其額閭里便之又編派里甲悉為更定即豪貴無所避至今談均田均役者必首推承遇云福建通志擢雲南道監察御史抗疏論楊冢宰排抑言官舒司寇淹滯無辜朝紳動色力請禁革保店從其議時相姻婭有憲閩者甚岸恣論罷之以此見忤出為江西按察僉事未踰年閩撫承望風旨誣論承遇治莆均田事遂引疾

永嘉縣志

卷之十五

人物 宦績

四十二

歸尋卒莆人崇祀名宦吉水鄒元標為誌所著有筮仕錄

舊府志

張德明字子經號毅宇萬厓丙戌進士授刑部主事恤刑江西轉員外己丑會試分房得董其昌魏廣微遷揚州守尋補密國府庠士施子舜聘謝氏女未娶有宦家欲奪之訐於府德明判女歸施宦遂糾眾圍謝屋強搶女度不免竟赴水死士羣閩德明親臨其喪即其地建節烈祠抵宦弟於法擢廣東參政解綬歸卒密國越東並祀名宦康熙志項維聰字懋德號聽所萬厓戊戌進士初任休密令折獄多所平反有卑秩在脫中置金於茗以獻立召叱還之鄉

試分闈相國錢機山方伯汪來 皆在選中稱得士辛丑  
調知望江縣值賦法失均仿古方田法裒益肥瘠則壤稱  
平尤喜課士品題史學自出新裁蕭蕭官閣題曰一無有  
齋移令高澗榜其署曰冰壺以明厥志勤政惠民暇則課  
士不倦學宮面湖形勢太曠捐俸甃屏牆衛於前建敬一  
亭峙其後文教丕振倡脩西新橋重建城隍廟改建遺愛  
祠重修萬壽觀及永豐圩石堤又纂修邑志克備三長陞  
工部主事邑人祠之以部郎督稅蕪湖歷知吉安建昌九  
江三府皆執法不避權貴清節懋著遷廣西右江道按察  
副使武山猺梗化倖功者議興師維聽力沮之岑酋愧服

永嘉縣志

卷之十五

人物 宦績

四十二

悉反所侵地後謝病歸卒於家

望江縣志高澗  
縣志舊府縣志

林必成字君學萬麻癸卯舉人授四川邛縣知縣爲政持  
大體以教養爲首務繕學築堰修舉廢墜士民悅服攝成  
都縣篆績最行取會奢賊圍城悉力拒守事平叙功欽賚  
銀幣以父艱歸致疾久之卒邃理學講業授受及門多雋

士

康熙  
府志

周一奎字元六號光叔少警敏工古文詩詞萬麻間以選  
貢通判惠州屢攝郡邑篆多惠政黎猺負固監王師討平  
之擢安州守州治湫隘不便於民乃改遷樂原社稷城池  
學宮堂署並因時措置州人德而祠之著有平黎一箸佐

惠半斑據梧齋集

康熙府志

王光經字景濟萬<sub>麻</sub>丁未二甲第一授禮部主事冊封淮  
府轉刑部郎勘問陳槐冒認皇親懸案十四載一言剖折  
封爵遂定卹刑山西豁疑獄二百三人擢陝西關西道力  
罷開採以息礦盜改徵綿米爲折色以裕王糧捐俸緩四  
百八十金以助大工俾灑派不及百姓新裴晉公韓昌黎  
祠建倉頡經閣殫精擘畫不顧勞瘁遷廣東嶺南道副使  
卒於官生平無他玩好止藏書萬卷手不廢簡常曰士大  
夫一日不讀書則性情疎散義理荒錯致君將憑何術時  
以爲名言

康熙府志

永嘉縣志

卷之十五

人物 宦績

四十四

劉康祉字以吉萬<sub>麻</sub>庚戌進士性至孝任兩京司馬感時  
事作竅言上之夜夢父病乞歸視藥月餘果卒哀毀逾禮  
熹宗朝改禮曹嚴掃除之選酌補叙之歸定朝鮮之議續  
康節之祀於時政多所匡裨推銓部尋出督學山右文運  
丕振陳臬兩粵所至有神明譽終廣西右布政使生平手  
不釋卷尤好獎掖後學著有識匡齋文集

康熙志

王士倫字明甫萬<sub>麻</sub>壬子舉人任遂昌教諭學富才敏尤  
能肅士範談文論藝如坐春風與邑令胡順化同心作人  
月課無倦一時人文皆彬彬蔚起得所宗焉

處州府志

子萬珏

隨任入平昌籍孫錫因家於遂

遂昌縣志

周應期字克昌一字際五萬厯己未二甲第一授禮部郎中魏璫竊柄令改幸學儀注執不可黨人銜之出爲福建兵備海道值海逆倡亂調度兵食簡選精銳卒降其衆十餘萬閩平崇禎初備兵九江馭吏率屬動有法度公庭湛然如水人不敢干以私在治五年軍安於伍兵安於營農安於野商安於市當時號稱善治歷江西山東左右布政二東大飢請蠲積逋六十萬民慶更生晉右副都御史理屯京東會上遣十監臣分鎮畿輔上疏諫曰臣巡察宣大同津準津撫臣馮元颺揭爲疆事敗壞已極民情潰散可虞懇乞聖明急收監臣新命以成大美以杜危機等因誠

永嘉縣志

卷之十五

人物 宦績

四十五

哉其言之也伏乞陛下乾斷施行生平剛嚴清正取與嚴一介國變後杜門撰述自號止菴不出戶者十九年監司守令造廬不得一面咸致青壁丹崖之仰焉康熙甲辰卒學者稱清節先生子天錫天鏡自有傳

江西通志康熙府志湯志

王維夔字邦佐號龍友萬厯己未進士初令南城爲益藩封邸撫御得宜宗人斂戢辛酉分校秋闈鍾冢宰爝鄒侍御毓祚咸出其門甲子舉卓異行取比入都以不附璫黨僅授兵部主事轉員外郎出督江右學政文風丕變歷荆南道時流寇正躒荆襄繕兵治餉堵禦無遺力擢江西左布政使人覲回聞吉袁告陷星馳調設兵餉應援事平會



推巡撫以積勞引疾歸賦性仁厚林居恤貧交賑饑民禦  
悍寇鄉邦尸祝卒年八十子錫瑄刑部司務錫琯青田教  
諭錫瑄登順治壬辰進士別有傳孫演需康熙壬子選拔

授奉化教諭

康熙府志

張天麟字季昭一字平符萬厓王子經魁天啟壬戌二甲  
第一負文名精書翰初任禮曹豐儀碩望嶽立朝班璫黨  
欲以銓部餌之峻拒不受出提學廣東稱得人轉福建右

參政平李魁奇劉香諸盜

案明史施邦耀傳遷漳州知府盜劉香李魁奇橫海上邦耀繫

香母誘之香就禽魁奇請撫邦耀言於巡撫鄒維璉討平之遷福建副使左參政據此則劉李之平乃邦耀力也

製銅鐵大礮分布閩浙沿海要害轉湖廣左參政轄寶慶

永嘉縣志

卷之十五

人物 宦績

四十六

道為政敦大體去煩苛重學校嘗清羨米五百四十餘石  
檄推官李夢日置田四十畝每遇鄉試之年以三歲租給  
兩庠諸生為文卷費人甚德之平臨藍天王獠猺諸寇

案寶

慶府志天王寺賊警籌兵措餉焦勞備至

岷藩治邸武岡籍富民築城縱騎校

殺平民掠財產民怨將亂天麟抗疏糾參朝論偉之擢都  
察院右副都御史巡撫雲南以不得養親憂思成疾行至  
平越卒為人清端宏毅政暇即操觚撰述所居先世舊廬  
僅蔽風雨與餘姚施邦曜海鹽吳麟徵有浙中三君子之

稱所著有松臺詩集

寶慶府志康熙府志

項國瓚字允圭天啟丁卯明經任金華教授陞貴州鎮遠

令時苗寇嘯聚國瓚親率兵征擒仍撫平餘黨鎮民賴之以功擢保密同知攝理川北道篆致仕歸

康熙志案舊志作遇難卒于官

彭如翱崇禎中由府學貢任東陽訓導樂易真篤多士朝

夕依之如父母自殿廡堂齋及諸賢神主祭器無勿修葺

邑大火延及文廟如翱衣冠拜禱須臾反風滅火觀者歎

異凡學政規則詳究釐定著爲必告錄以垂永遠陞大埔

教諭去之日諸生皆含淚遠送不忍別

金華府志案乾隆府志云邵贄周貧

自奉一如寒士

張展成字汝陽甫髻入庠試輒冠軍崇禎戊辰拔貢中順

天庚午舉人初任川夔司理政多平反監司郡守大疑獄

永嘉縣志

卷之十五

人物 宦績

四十七

必以相質矜釋無辜遇豪猾必力爲民去之秩滿遷遼州

知州夔民攀援不得前因親老乞歸養優游故里自奉淡

泊輯梓力行編以訓俗至創宗祠置祀田賙里黨不惜厚

費焉

康熙志

國朝

陳光前字明卿少敏異弱冠卽梓笥稿行世銳意經學嘗

綜釋五經發先儒之所未發順治丁亥貢於鄉授衢州司

訓倡修學宮構育英堂集諸生講藝時總督駐節三衢有

東甌繫纍就衢處分光前見死亡者收埋之鬻官者贖還

之義聲達於遐邇尋遷平湖教諭轉杭州教授所至模範

後學梓課士元音錄文風一振生平孝友端方郡邑大夫  
咸加禮重凡五舉大賓著有吹蘭集靜觀齋心書子振麒  
振麟俱有文名振麟順治丁酉舉人孟津知縣

乾隆志

包文愷字畏巖順治拔貢知零陵縣豈弟廉明愛民息訟  
設木阜禁冗役捐襍派蕭然署中布被蔬食澹如也民爲  
勒石以紀其政所著有致遠軒集

府志湖南通志

陳邦紀字燕及父立言學行醇備領崇禎壬午鄉薦任柳  
州司理邦紀聰雋有父風順治辛卯拔貢授諸城令諸城  
舊爲逋逃藪前令率以是累紀下車廉得窩隱巨猾立置  
之法餘悉捕歸旗部議紀錄歲饑捐俸賑粥活者盈萬崇

永嘉縣志

卷之十五

人物 宦績

四十八

獎學校梓有課士錄卒於官邑人哀之爲立祠城西隅

康熙

府志著有星聚堂集

東甌詩存

鄭應鄴字允法性孝友年三十失偶義不再娶積學淹博  
爲諸生每試冠軍以明經訓導義烏擢知襄陵縣下車後  
禁革弊政殲除大盜士民頌德屢入薦剡服闋補長安令  
政績卓異以老乞休舉大賓壽七十二

康熙志

陳天棟字隆吉明贈光祿大夫朝之孫好讀書慷慨有智  
畧以例授登州別駕陞吏議去復除宣化別駕歲歉不及  
報可開倉賑粟活饑民以萬計巡撫于成龍以賢能薦第  
一遷九江同知九江多盜甫下車用法鈎捕四境肅然在

任十八年致仕歸去宣日魏公 樞贈以詩曰救活災黎  
滿地春桑乾別去各沾巾高賢預卜他年事不獨循良傳  
裏人賢者不輕許可卽其詩可想見其人矣府志案畿  
棟任西密管糧通判庚申歲歉民飢力請上官蠲賑全活  
者數萬人薦舉卓異以艱去民思之立遺愛碑祀名宦西  
密屬宣化府卽爲輔通志載天  
宣化別駕時事也

謝天埴字亦潛陽武令包京之孫少英敏爲文如行雲流  
水登康熙庚辰第授杞縣令下車首革重耗禁雜派裁無  
名行帖清戶口除虛糧宿弊一空會豫荒歉設粥廠於四  
門悉心經畫四閱月存活萬餘人康熙戊子分校河南一  
時名雋如賈姓輩悉出其門尤喜作養人材修學宮廨舍

永嘉縣志

卷之十五

人物 宦績

四十九

集多士延師教之後以外艱歸卒門下孝廉張圻李庚等  
不遠數千里來祭子立字與可詩翰亦韶秀著自怡集任

白水令

府志

邵家默字思恭號怡堂康熙辛卯舉人工書翰善詩古文  
辭性情恬退孝行聞於鄉黨舊志嘗受知於武進唐公及

唐巡撫京畿屢以賢能薦家默以母老力辭後任嘉善教  
諭整肅學規振興文教大著賢聲子志聲歲貢灝乾隆戊  
午舉人石門教諭鳳藻廩生有文名乾隆

府志

陳王綬字符章給諫堯言曾孫康熙乙未進士天性孝友  
至老孺慕不減少好學有文名選拔入成均釋褐後留京

教習 御試一等初任邾縣令邾地瘠頻年歉收王綬創社倉立條例六倣朱子遺法流民三千餘口設法養贍之奉檄赴河北安集三郡流亡悉心籌畫民賴以不擾黃河決科民出草不妄派一文而事集時有給糧隱濟溝渠殍辦草明辭暮夜金之謠云無地光丁受追呼之苦力請按地徵收時錢糧從田起丁尙未奉有定例王綬在邾已建白以紓民累吳沼河有橋三卑隘不能通舟楫重建高大由是邑中泉貨流通王綬以親老屢請終養不獲旋調南陽劇邑戢奸艘寇盜却溢額羨餘折疑獄如神政如在邾時會豫省直隸州缺需員王綬方膺薦以憂歸民哭送數

永嘉縣志

卷之十五

人物 宦績

五十

百里不絕所著有留燕雜咏續咏集子光鼈拔貢教習通

渭知縣

府志

張天駿字鳴佩號牧堂祖籍錢塘父才用流寓東嘉遂入籍焉天駿幼具大志喜讀書志畧慷慨總戎崔某愛其才拔補温標右營把總陞千總其時海上海魂爲商旅害天駿擒獲劇盜林太趙九等海疆肅清洋盜孫森等自旅順逸歸天駿出黑水洋親冒矢石生擒而歸獻俘軍門制府覺羅滿公嘉之辛丑臺灣告警授海壇守備發盜窩黃輝昭之奸盜俱弋獲遷水師提標游擊循例引見 憲皇帝奇其才數月三遷擢閩安副將歷南澳鎮總兵凡所陳奏

悉荷 嘉予乾隆二年晉廣東提督嗣以開礦事與制府  
異議改襄陽鎮總兵調崇明臺灣復任福建水師提督所  
至恤兵愛民興利除害奏請悉中機宜輿論指爲福星焉  
喜造就人材其所拔擢多膺顯秩十六年以衰病乞休蒙

召見准予原品休致歷仕 三朝清操自勵宦橐蕭然

歸林後日與鄉鄰親舊徒步嬉游忘其爲顯宦者十七年

夏卒年六十八長子遐齡以廕授建寧通判歷曹州衡州

雲南鎮沅府同知

乾隆府  
縣志

林敷紫雍正癸卯拔貢字上左號合峰別號暮山副貢公  
璽之子也乾隆初任龍泉教諭凡十年葺學舍闢講堂環

永嘉縣志

卷之十五

人物 宦績

五十一

植花柳集諸生絃誦其中又改建奎星閣於學東偏以挹  
溪山之秀訓迪所周文風一振其去也多士繪像於塾以

誌不忘

東甌詩存  
龍泉縣志

張元彪字肇炳號虎文自幼器宇凝重學識宏深父式雷  
素多病湯藥必親調嘗患齒牙流血百方不治籲天請代  
是夕卽愈雍正己酉拔貢 廷試第一授海康知縣順道  
迎養抵官日於城外飲陸公泉作詩以勵志任九載開義  
學墾荒土革羨稅創養老堂捐修橋閘凡所設施有古良  
吏風丁巳秋颶風爲患被災乞命不下萬人元彪請發倉  
并議發軍需銀以賑府不可因奮曰必報可而後賑則瀕

死之民轉溝壑矣專擅之咎某自任之不以累公也隨具領散賑及申省撫軍嘉之奸民某匿已賣子於隣省誣其主毆死援婢爲證前令刑供成案元彪廉知其情遂度其子年齒爲雙履并土產詭稱母倩探望子果出擒之一縣稱神元彪溫文爾雅無俗吏習每試童子必爲之講解題蘊不憚提命之煩聽訟必從容詰問若慈母之待赤子遇久爭不結之獄數語勸諭雖健訟者亦爲心服尋以親老乞歸出境日老幼送者頂香數十里皆雨泣勒巨石於陸公泉傍題南合神父以志不忘迨父卧病衣不解帶者彌月比逝終夜涕泣致成膈症元彪工古文詞兼工草書所

永嘉縣志

卷之十五

人物 宦績

五十二

民國二十四年補刻

著有家鑑吳吟燕吟粵吟甌吟等集子正宰癸酉副貢正

寯拔貢揀選知縣

府志廣  
東通志

何皋颺字昌音號邁亭從名諸生林吾如游與王遷齋相砥礪盛暑夜讀苦蚊蚋納足甕中乾隆癸酉舉於鄉署奉賢知縣縣民與南滙民爭沙地初議歸南滙皋颺至核得實請於上憲曰尺寸皆王土也但新漲沙田奉賢之民實用工力築之報升在先奪此予彼於事欠平卒如議改讞民有以壻貧悔婚興訟者皋颺諭之曰汝以壻貧我與之數十金使自活不貧矣命卽日成禮兩家泣謝調武進有賢聲上游交薦以知州候陞已而疾卒程尙書景伊銘其

墓

廣漢甌  
乘補

項國柟字仙植乾隆甲寅舉人初仕閩充藩庫廳省城大火將及庫大吏趣徙庫物國柟不可及火止詰之曰火鑠金有限吏役乘機來竊所失不貲上官由是器之檄署延平獲巨盜以卓異薦歷攝郡篆皆有政聲林文忠貽書有詩才元白治績龔黃之語蓋國柟兼善詩也庚辰丁父憂服闋借補廣西歸順州自桂梧至歸順多隙地山寇關九勳劫掠行旅國柟條上十事大約謂設官鎮其地則賊失巢穴募民耕其土則兵不煩經費大吏不報遂引疾歸家居二十年以壽終子商霖咸豐壬子貢

採訪  
冊

永嘉縣志

卷之十五

人物 宦績

五十二

民國二十四年補刻

鄧飛鵬字聲烈先世江甌人曾祖涵清以父惠潮總兵汝功蔭歷官温州同知遂家焉飛鵬起行伍由千總遷皖江守備山西山陰都司終江南壽春中營游擊嘉慶丁巳川楚教匪不靖飛鵬奉調在軍凡五載前後七十餘戰而茶坊子西水河兩戰大軍失利飛鵬殿紀律不失至河大軍先濟急不得舟賊追及以戈擊其馬馬負痛遂躍而過是役也連戰七晝夜飛鵬能得軍心合力固守爲大營聲援得保薦旋奉參贊大臣德楞泰檄守襄陽賊數萬猝至以守備嚴遂去會有搆言於參贊者竟以失機鐫職是夏提督王文榮被圍於毛坪告急飛鵬以數百人往救至則賊



已退參贊嘉其勇調還大營復都司職剿楊家河板櫓橋  
柳樹柆馬家灣大牛嶺藥壩佛爺 金水河諸賊皆克之  
飛鵬善撫士卒能審機宜其守襄時有男婦數千人叩城  
曰寇至矣請開城以避邑令恐中賊計堅閉不納乃力爭  
以身任其咎開城納畢而賊始至及奏捷有婦女千餘人  
法坐誅乃請於大帥發交府縣鞠皆被賊虜者遂免之殆  
有古名將風云

賈聲槐  
良山集

鄭之良嘉慶辛酉拔貢性姿磊落書法雄勁以才學名一  
時任慶元教諭訓課之暇士人有訟者卽招至署中理釋  
之尋卒於官閤庠賻之歸里

慶元  
縣志

永嘉縣志

卷之十五

人物 宦績

五十四

張瑞溥字百泉父錦乾隆辛卯科武舉瑞溥倜儻自喜時  
楚蜀多故大言曰易與耳乃入資爲同知分發四川初任  
江北理民同知甫抵任值鹽梟聚衆謀亂不及上陳猝往  
捕殺三百餘人而難解有積年巨寇號劉大靴者橫苦北  
江其黨數千人吏不能捕瑞溥偵其還鄉埽墓往擒之斃  
杖下餘黨遂散陞叙州知府所屬雷波廳號爲蜀險卽諸  
葛孔明擒孟獲處也嘉慶十九年生黎反衆數萬計時府  
中兵僅百餘人卽牒大府請師乘其不意先以所部往剿  
大府命提督多隆武率重兵繼之瑞溥直渡瀘入其巢連  
破賊殺四千餘人而事定丁艱服闋入都奉 命查辦官

荒地畝補授廣平知府時山東馬進忠爲亂界連廣平查辦餘黨昭雪無辜東撫劾其故縱上知其無他升授湖南糧儲道與巡撫康紹鏞不相中引疾歸得謝公池上樓遺址築別業課子其中杜門不出數年卒年五十六子三應庚字孟仙由廩貢捐知縣分發廣東道光十七年知封川縣二十三年以獲盜功陞知州丁祖母艱二十七年署知嘉應州咸豐二年任連平知州守城殺賊有功抑不敘六年罷同治二年卒於會城著有寄鷗館詩稿一卷應衡

縣丞秉彥巡檢

刑部郎中鄭獻甫張公墓誌銘採訪冊

潘銘憲字季文號少城西溪崑陽人遷郡城小西湖父壩

永嘉縣志

卷之十五

人物 宦績

五十五

字石城嘉慶戊寅歲貢考授教習歷繁峙知縣朔州知州兄銘恩字仲殷號少石由舉人歷廣通文山知縣潞南知州署普洱府知府贈道銜初銘憲奉母張家居張卒過哀早夜詣柩前呼母如生時壩取至署中已而壩卒哀痛如喪母道光二十三年由生員捐縣丞分發廣東署揭陽丞再署鎮平知縣調署平遠普密二縣咸豐四年土寇起在潮陽者曰陳娘康犯普密銘憲計殺之未幾揭陽惠來賊亦至普密北山賊許梅旗岡賊余膽應之銘憲以縣城卑薄增築土城環以竹柵賊衆數萬集城下圍攻一百餘日百計守禦老幼皆登陴時薪米將罄乃使人潛約鄉民合

剿遂開城出戰擒斬千七百人乘勝攻北山旗岡斬許梅  
余膽敗死當是時廣州賊攻省城大吏僅僅自保銘憲以  
孤城當悍賊無兵無餉身率士民大小二百餘戰竟破平  
賊上官奇之命兼署揭陽盡平諸土賊上官欲籍從賊諸  
鄉田没入官銘憲不可曰賊敗之後民皆逃散今當招之  
使歸詰姦宥良其可也若取其田是絕其歸計也必復聚  
爲賊矣乃止七年英夷陷省城大吏命各府縣加商稅充  
軍餉名曰抽釐銘憲不可曰潮州凋敝且民俗強悍此令  
一出恐激而生變上官督責再三訖不應八年海陽楓洋  
寨賊蘇智作亂復檄銘憲統諸縣兵擊平之尋捐升同知

永嘉縣志

卷之十五

人物 宦績

五十六

仍署揭陽逾年得代赴省以平賊功陞授知府 賞戴花  
翎銘憲久歷勞險年甫五十鬚髮皓白同治元年十二月  
卒銘憲在省奉委緝捕盜賊行珠江之濱有夫婦以帶相  
繫赴水者止而問之浙江王某也候補從九品貧困欲死  
乃贈金使歸未行而銘憲卒二子福輝福熿皆在潮州未  
至王某服齊衰視含斂焉普密民建祠祀之河源訓導番  
禹陳澧銘其墓壠銘憲皆有詩稟福熿諸生廣東候補通  
判 澧墓誌  
採訪冊  
鄭汝楫原名佩蘭字星舟慶年坊人領嘉慶戊辰鄉薦考  
取覺羅官學教習道光丙戌成進士分發山東題補平原

知縣平原尚武功多逋欠素號難治汝楫鋤豪猾勸輸將  
勘田畝積弊一清民心悅服待士尤厚捐修學宮督課  
文藝邑久乏科第是年竟有獲雋者地當孔道貧民苦徭  
役輪派牛車富戶輒避匿不報汝楫廉知其弊編總冊以  
均苦樂加顧價以蘇困劬尤勤聽斷訟獄衰息上官知其  
能遷高唐州未赴卒著有雙槐軒暇筆一名委蛇錄 兄廷杰姿  
性純樸不爲崖岸好元象青囊家言著天文要訣地理精  
蘊諸書官欽天監博士採訪冊

永嘉縣志

卷之十五

人物 宦績

五十七

永嘉縣志卷之十五

